

水清新堂

三。不。盡。莫。以。爭。流。水。甲。千。人。日。刺。公。野。自。道。
半。而。共。味。池。真。且。何。國。一。第。一。水。家。年。
谷。林。才。法。文。遠。之。亦。聖。廟。內。能。以。千。和。國。是。
之。入。林。而。於。其。流。而。以。各。經。而。不。以。之。也。

R2-51

50

八例

一是書前曾托名葉天士。今特收回。

一是書論證治法。悉遵古訓。絕無臆說浮談。以時法列於前。仲師法列於後。由淺入深之意也。

一坊刻萬病回春。嵩厓尊生。古今醫統。東醫寶鑑等書。所列病證。不可謂不詳。而臨時查對。絕少符合。即有合處。亦不應驗。蓋以

逐末而忘其本也。試觀內經、難經、傷寒論、金匱要畧，每證只寥寥數語，何所不包。可知立言貴得其要也。此書如怔忡、頭痛、歷節諸證，非遺之也。怔忡求之虛癆，頭痛有邪求之傷寒，無邪求之眩暈虛癆，歷節尋其厲風，厲濕厲虛而治之，所以寓活法也。一學醫始基在於入門，入門正則始終皆正，入門錯則始終皆錯。是書開明聖法為入。

志。今付梓而從其說而仍名經而不以為僭
者。採集經文還之先聖。海內諸君子。可因此
一字而共知所遵。且可因此一字而不病余
之作。嘉慶九年歲次甲子。人日陳念祖自題
於南雅堂。

目錄

卷一

源流

中風

虛癆

咳嗽

瘧疾

痢疾

心痛

腹痛

胸痹

隔食

反胃

氣喘

血症

水腫

脹滿

卷二

三字經

目錄

蟲脹

眩暈

狂

癰閉

疝氣

傷寒

小兒

卷三

暑症

嘔吐
逆噦

癩

濁病

痰飲

瘟疫

泄瀉

癩

五淋

遺精

消渴

婦人

門之準不在詳備。若得其秘訣，未嘗不詳備也。有證見於此，而治詳於彼者，有論此證而彼證合，而並論者，有論彼證絕未明言此證，而即為此證之金鍼者，實無他訣。唯其熟而已。熟則生巧，自有左右逢原之妙。

論中所列諸方，第三卷第四卷俱載弗遺。唯傷寒論金匱要畧方，非熟讀原文不能

領會此書。偶有闕而未載者。欲入於原文中。尋其妙義。闕之。即所以引之也。閱者鑒予之苦心焉。

一 方後附論。或採前言。或錄一得。視諸書。見簡括。閱者自知。

藥方

卷四

藥方

附錄

陰陽

識一字便可為醫說

臟腑

十二官

三字經

目錄

心說

肺說

膽說

手心主說

經絡

四診

望色

切脉

肝說

腎說

大腸小腸說

膀胱說

脾說

胃說

三焦說

命門說

聞聲

問證

運氣

張飛疇運氣不足憑說

三

經

目錄

三

醫學三字經卷一

閩吳航陳念祖修園著

男

元豹道彪古愚
元犀道照靈石

全枝

醫學源流第一

醫之始

本岐黃

黃。黃帝也。岐。岐伯也。君臣問答。以明經絡藏
府。運氣治療之原。所以為醫之祖。雖神農本

經。在黃帝之前。而神明用藥之理。仍始於內經也。

靈樞作。

素問詳。

靈樞九卷。素問九卷。通謂之內經。漢書藝文志。載黃帝內經十八篇是也。醫門此書。即業儒之五經也。

難經出。

更洋洋。

洋洋。盛大也。難經八十一章。多闕於內經之旨。以補內經所未言。即問有與內經不合者。

其時去古未遠。別有考據也。秦越人。號扁鵲。戰國人也。著難經。

越漢季

有南陽

張機字仲景。居南陽。官長沙漢人也。著傷寒雜病論。金匱玉函經。

六經辨

聖道彰

內經詳於鍼灸。至伊尹有湯液治病之法。扁鵲含公因之。仲師出而雜病傷寒。崇以方藥。為治其方俱原本於神農黃帝相傳之經方。而集其大成。

傷寒著

金匱藏

王肯堂謂傷寒論義理如神龍出沒首尾相顧鱗甲森然。○金匱玉函示寶貴秘藏之意也。其方非南陽所自造乃上古聖人相傳之方。所謂經方是也。其藥悉本於神農本草。非此方不能治此病。非此藥不能成此方。所長必效如桴鼓之相應。

垂方法

立津梁

仲師醫中之聖人也。儒者不能舍至聖之書而求道。醫者豈能外仲師之書以治療。

李唐後

有千金

唐孫思邈。華原人。隱居太白山。著千金方。千
金翼方。各三十卷。宋仁宗命高保衡、林億校
正。後列禁經二卷。今本分為九十三卷。按金
匱雖有浮泛偏雜之處。而用意之高。用藥之

巧。亦自

成一家。

外臺經

重醫林

唐王焘著外臺秘要四十卷。分一千一百
四門論。宗巢氏方多秘傳。為醫門之類書。

後作者

漸浸淫

等而下之，不

足觀也。已。

紅紫色

鄭衛音

間色亂正。

靡音忘倦。

迨東垣

重脾胃

金李杲字明之，號東垣老人，生於世宗大定二十年，金亡入元，十七年乃終，年七十二。舊

本亦題元人作脾胃論辨惑論蘭室秘藏
後人附以諸家合刻有東垣十書傳世

溫燥行

升清氣

如補中益氣及升陽散火之法如蒼朮白朮
羌活獨活木香陳皮葛根之類最喜用之
雖未醇亦足貴

人謂東垣用藥如韓信將兵多多益善然駁
雜之處不可不知惟以脾胃為重故亦可取
若河間專主火

金劉完素字守真河間人事蹟俱詳
金史方技傳主火之說始自河間

遵之經

斷自我

原病式十九條俱本內經至真要大論多以
火立論而不能參透經旨如火之平氣曰升
明火之太過曰赫曦火之不及曰
伏明其虛實之辨若冰炭之反也

一二方

竒而妥

如六一散防風通聖散之
類皆竒而不離於正也

丹溪出

罕與傳

元朱震亨字彥修號丹溪金華人其立方視諸家頗高一格

陰宜補

陽勿浮

丹溪心法以補陰為主謂陽常有餘陰常不足諸家俱辨其非以人得天地之氣以生有生之氣即是陽氣精血皆其化生也

雜病法

四字求

謂氣血痰鬱是也。一切雜病。只以此四字求之。氣用四君子湯。血用四物湯。痰用二陳湯。鬱用越鞠丸。參差互用。各盡其妙。

若子和

主攻破

張子和戴人書中所主。多大黃芒硝牽牛羌花大戟甘遂之類。意在驅邪。邪去則正安。不可畏攻。而養病。

中病良

勿太過

子和之法實。症自不可。廢然亦宜。中病而即止。若太過。則元氣。隨邪氣。而俱散。挽無及矣。

四大家

聲名噪

劉河間。張子和。李東垣。朱丹溪。為金元四大家。張氏醫通之。考核不誤。

必讀書

錯名號

李士材醫宗必讀。四大家論。以張為張仲景。誤也。仲景為醫中之聖。三子豈可與之並論。明以後。須酌量。

言醫書充棟汗牛。可以博覽之。以
廣見識。非謂諸家所著皆善本也。

詳而備

王肯堂

金壇王字泰諱肯堂著症治準繩
雖無所採擇亦醫林之備考也

薛氏按

說騎牆

明薛已號立齋吳縣人著薛氏醫按十六種
大抵以四君子六君子逍遙散歸脾湯六八
味丸主治
語多騎牆

士材說

守其常

李中梓號士材。國朝人也。著醫宗必讀。士材三書。雖曰淺率。却是守常。初學者所不廢也。

景岳出

著新方

明張介賓字會卿。號景岳。山陰人。著類經。質疑錄。全書所用之方。不外新方八陣。其實不足。以名方。古聖人明造化之機。探陰陽之本。製出一方。非可以思議及者。若僅以熟地補。

陰人參補陽薑附祛寒芩連除熱隨
括幾味皆可名方何必定為某方乎

石頑續

溫補鄉

張璐字啓玉號石頑國朝人也著
醫通立論多本景岳以溫補為主

獻可論

合二張

明寧波趙獻可號養葵著醫貫大旨重
於命門與張石頑張景岳之法相同

診脈法

瀕湖昂

明李時珍字東璧號瀕湖著本草綱目五十
二卷雜收諸說反亂神農本經之旨卷末刻
脉學頗佳今
醫多宗之

數子者

各一長

知其所長
擇而從之

揆諸古

亦荒唐

理不本於內經法未執乎仲
景縱有偏中亦非不易矩矱

長沙室

尚徬徨

數子雖曰私淑長沙升
堂有人而入室者少矣

惟韻伯

能憲章

慈谿柯琴字韻伯國朝人著傷寒論註論
翼大有功于仲景而內經之旨賴之以彰

徐尤著

本喻昌

徐彬號忠可尤怡號在浮二公金匱之注俱
本喻嘉言攷嘉言名昌江西南昌人崇禎中

以選舉入都卒無所就遂專務於醫昔尚論
篇主張太過而醫門法律頗能闡發金匱之
秘旨

大作者

推錢塘

張志聰號隱菴高世栻號士宗俱浙江錢塘
人也國朝康熙間二公同時學醫與時不
合遂閉門著書以為傳道之計所注內經本
草經傷寒論金匱等書各出手眼以發前人
所未發為漢後第一書今
醫畏其難而不敢談及之

取法上

得慈航

取法乎上。僅得其中。切不可。以醫方集解。本草備要。醫宗必讀。萬病回春。本草綱目。袁醫寶鑑。馮氏錦囊。景岳全書。薛氏醫按。等書。為捷徑也。今之醫輩。於此書並未寓目。止取教上種庸陋之方。冀圖倖中。更不足論也。

中風第二

人百病

首中風

中風

內經云。風為百病之長也。昔醫云中。賊多。沙九竅有昏。緩失音耳聾。目瞽鼻塞。便難之症。中腑多着。四肢中經。則口眼喎斜。中血脉。則半身不遂。

驟然得

八方通

中風病。驟然昏倒。不省人事。或痰湧掣。搐偏枯等症。八方者。謂東西南北東北西北東南西南也。

閉與脫

大不同

風善行而數變。其所以變者。亦因人之臟腑。其熱為轉移。其人臟腑素有鬱熱。則風乘火勢。火借風威。而風為熱風矣。其人臟腑本虛。虛寒則風水相遭。寒水徹骨。而風為寒風矣。熱風多見閉症。宜疏通為先。寒風多見脫症。宜溫補為急。

開邪閉

續命雄

小續命湯。風症之雄師也。六經見症。加減治之。羌活。驅邪。○閉者。宜開。或開其表。如續命湯是也。或開其裏。如三化湯是也。或開其壅滯之痰。如稀涎散。痰湯是也。

回氣脫

參附功

脫者宜固參附湯固守腎氣木附湯固守脾氣芪附湯固守衛氣歸附湯固守營氣先回其氣次治其風若三生飲一兩加人參一兩則為標本並治之法正虛邪盛必遵此法

顧其名

思其義

名之曰風明言八方之風也名之曰中明言風自外入也後人議論穿鑿俱不可從

若舍風

非其治

既名中風。則不可
舍風而別治也。

火氣痰

三子備

劉河間舉五志過極動火而卒中。皆因熱甚。
故主乎火。大法用防風通聖散之類。亦有引
火歸源如地黃飲子之類。李東垣以元氣不
足而邪湊之。令人卒倒如風狀。故主乎氣虛。
大法補中益氣湯加減。朱丹溪以東南氣溫。
多濕有病。風者非風也。由濕生痰。痰生熱。熱
生風。故主乎濕。大法以二陳湯
加蒼朮白朮竹瀝薑汁之類。

不為中

名為類

中者自外而入於內也。此三者既非外來之風，則不可仍名為中。時賢名為類中風，合而言。

小寒伎

虞天氏云：古人論中風言其症也。三子論中風言其因也。蓋因氣因濕因火挾風而作，何嘗有真中類中之分。

瘖喎斜

昏仆地

瘖者不能言也。喎斜者口眼不正也。昏仆地者不省人事。猝倒於地也。○口開目合。或上視撒手遺尿身暈。汗出如油者不治。

急救先

柔潤次

柔潤熄風為治中風之秘法。喻嘉言加味六君子湯資壽解語湯甚妙。

填竅方

宗金匱

內經云邪害空竅。金匱中有侯氏黑散。風引湯驅風之中兼填空竅。竅空竅滿則內而舊邪

不能容外。而新風不復入矣。喻嘉言曰。仲景
取藥積腹中不下。填竅以熄風。後人不知此
義。每欲開竅以出其風。究竟竅空而風愈熾。
長此安窮哉。三化湯愈風湯大秦羌湯皆出
機要方中云。是通真子所撰。不知其姓名。然
則無名下士。煽亂後人見聞。非所謂一盲引
衆盲耶。

虛癆第三

虛癆病

從何起

咳。救。吐。血。五。心。煩。熱。目。花。耳。鳴。口。爛。鼻。乾。氣。急。食。不。知。味。羸。瘦。驚。悸。夢。遺。往。來。寒。熱。急。憤。嗜。臥。疲。倦。骨。蒸。不。寐。女。子。不。月。等。症。皆。成。癆。病。

七情傷

上損是

扁鵲謂損其陽。自上而下。一損肺。二損心。三損胃。過於胃。則不可治。其說本於內經。二陽之病。發心脾。有不得隱曲。為女子不月。○按心脾上也。至不得隱曲。女子不月。則上極而下矣。

歸脾湯

二湯旨

即內經二陽之病發心脾之旨也。此方為養神法。六味丸為補精法。高鼓峯並用之。

下損由

仿韓瀨

扁鵲謂損其陰。自下而上。一損腎。二損肝。三損脾。過於脾則不可治。其說本於內經五藏主藏精也。不可傷。傷則失守而無氣。無氣則死矣。○按精生於五藏而統司於腎。如色慾過度則積傷而下損。至於失守無氣則下極而上矣。

傷元陽

腎氣即元陽也。元陽傷為困倦食少便溏腰痛陽痿等症。腎水即元陰也。元陰虧為蒸熱咳嗽吐血便血遺精喉痛口瘡齒牙浮動等症。

腎水虧

六味擬

六味地黃丸為補腎水之主方。景岳左歸飲左歸丸亦妙。推之三才湯八仙長壽丸補氣丸天王補心丹皆可因症互服。

五八
虧腎水

元陽傷

八味使

崔氏腎氣丸。後人名八味地黄丸。立方之意。原為煖腎。逐水。非補養元陽。明薛立齋及趙養葵。始用以溫補命火。時醫遂奉為溫補腎命之主方。景岳右歸飲。右歸丸。皆本諸此。如火未大衰者。以還少丹代之。陽虛極者。宜近效白朮湯。

各醫書

伎止此

苦寒敗胃。及辛熱耗陰。固無論已。即六味歸脾。何嘗非流俗之套法耶。

甘藥調

回生理

而論云。鍼藥莫治者。調以甘藥。仲景因之。前
亦言云。壽命之本。積精自剛。然精生于。壽。精
人少。則不能生血。血少。則不能化精。內經云。
精不足者。補之以味。味者。五穀之味也。補以
味。而節其勞。則精。
賦。漸富。大命。不傾。

建中湯

金匱軌

小建中湯。及加黃芪。加人參。加當歸。加白朮。
等湯。皆急建。其中。氣。俾飲食。津液。再成。

至充血生精而復其真陰之不足。但用稼穡
作甘之本味而酸辛苦鹹在所不用。蓋舍此
別無良法也。○按炙甘草湯即此湯化
為潤劑。喻氏清燥湯即此湯化為涼劑。心

薯蕷丸

風氣弭

金匱薯蕷丸自註云治
虛勞諸不足風氣百疾。

麻虫丸

乾血以

金匱大黃蠱蟲丸自註治五
勞諸傷內有乾血肌膚甲錯

二神方

能起死

尤在涇云。風氣不去。則足以賊正氣而生。長不榮。以善菴丸為要方。乾血不去。則足以留新血而灌漑。不周以蠶魚丸為上劑。今之醫輩。能夢見此二方否。

咳嗽第四

氣上喘

欬嗽生

內經云。五臟六腑皆令人咳。不獨肺也。然肺為氣之市。諸氣上逆於肺。則喘而咳。是咳嗽

嗽咳

不止於肺而亦
不離於肺也

肺最重

內經雖分五臟諸咳而所尤重者在聚於胃
關於肺六字蓋胃中水穀之氣不能如霧上
蒸於肺而轉溉諸臟只是留積於胃中隨熱
氣而化為痰隨寒氣而化為飲胃中既為痰
飲所滯則輸肺之氣亦必
不清而為諸嗽之患矣

肺如鐘

胃非輕

撞則鳴

肺為臟腑之華蓋呼之則虛吸之則滿只受
得本然之正氣受不得外來之客氣客氣干
之則嗆而咳矣亦只受得臟腑之清氣受不
得臟腑之病氣病氣干之亦嗆而咳矣肺體
屬金譬若鐘然一外一
內皆所以撞之使鳴也

風寒入

外撞鳴

經云微寒微咳可見咳嗽多因於風寒也風
從皮毛而入於肺寒從背俞而入於肺皆主
乎外也後注雖言熱言濕言燥令
不自行亦必假風寒以為之帥也

癆損積

內撞鳴

癆傷咳嗽主乎內也二者不治至於咳嗽失音是金破不鳴矣

誰治外

六安行

六安煎雖無深義却亦平穩然外感諸症當辨風熱風燥二症如冬時先傷非節之暖復加風寒外遏以致咳嗽痰結咽腫身重自汗脉浮者風熱也宜萎蕤湯辛潤之劑切勿辛熱發散而風燥一症辨治尤難蓋燥為秋氣令不獨行必假風寒之威而令乃振欬乃發

也。內經只言秋傷於濕，何也？以長夏受濕，土鬱蒸之，氣隨秋令收，歛伏於肺胃之間，直待秋深燥令大行，與濕不能相容，至冬而為欬嗽也。此症有肺燥胃濕兩難分解之勢，唯千金麥門湯五味子湯獨得其秘。後人以歛散不分，燥潤雜出，棄之昧之甚也。

誰治內

虛癆程

宜於虛癆門擇其對症之方。審是房勞傷精，則補精；審是思鬱傷脾，則養神。

挾水氣

小龍平

柯韻伯治咳嗽。不論冬夏。不拘淺深。但是寒嗽。俱用小青龍湯。多效。方中驅風散寒。解肌逐水。利肺。煖腎。除痰。定喘。攘外安內。各盡其妙。蓋以肺家有沉寒痼冷。非麻黃大搏。不能搗其巢穴。群藥安能奏效也。

兼鬱火

小柴清

寒熱往來咳嗽者。宜去人參。大棗生薑。加乾薑五味治之。

薑細味

一齊烹

金匱治痰飲咳嗽不外小青龍湯加減方中諸味皆可去取唯細辛乾薑五味不肯輕去即面熱如醉加大黃以清胃熱及加石膏杏仁之類總不去此三味學者可不深思其故也徐忠可金匱辨註有論

長沙法

細而精

金匱痰飲咳嗽
治法宜熟讀之

瘧疾第五

瘧爲病

屬少陽

少陽為半表半裏邪居其界入與陰爭則寒出與陽爭則熱爭則病作息則病止止後其邪仍據於少陽之經

寒與熱

若迴翔

寒熱必應期而至

日一發

亦無傷

疾

瘧

邪淺則一日一作
邪深則二日一作

三日作

瘡三日一作時醫名

三陰瘡流連難愈

治之法

以小柴胡湯為主初起俗忌人
參姑從俗而去之加青皮一錢

熱偏盛

勢猖狂

小柴方

加清涼

小柴胡湯加知母花粉石

膏黃連之類隨宜擇用

寒偏重

加桂薑

加乾薑桂枝甚者加附子肉桂

邪氣盛

去參良

身熱者小柴胡湯去人參加桂枝二錢服後食熱粥溫覆取微汗

常山入

力倍強

小柴胡湯加常山二三錢俗云邪未淨不可用常山以截之不知常山非截邪之品乃驅邪外出之品仲景用其苗名曰蜀漆

大虛者

獨參湯

虛人久瘧不愈以人參一两生薑五錢水煎五更服極效貧者以白朮一两代之熱多者以當歸代之

單寒壯

理中匡

單寒無熱。名曰牡瘧。宜附子理中湯。加柴胡治之。

單熱瘧

白虎詳

單熱無寒。名曰瘧瘧。或先熱後寒。名曰熱瘧。俱宜以白虎湯。加桂枝治之。時醫以六味湯加柴胡芍藥治之。

法外法

辨微茫

已上皆前醫之成法。更法外有法。不可不辨而治之。

消陰翳

制陽光

熱之不熱。是無火也。益火之原。以消陰翳。
寒之不寒。是無水也。壯水之主。以制陽光。

太僕注

慎勿忘

王太僕消陰制陽等註。千古不刊之論。趙養
葵遵之。以八味丸益火之源。六味丸壯水之
主。久瘧多以
此法收功。

痢症第六

濕熱傷

赤白痢

王損菴論痢專主濕熱其症裏急後重腹痛
欲便不便膿血穢濁或白或赤或赤白相半
熱勝濕

赤痢漬

胃為多氣多血之海熱陽邪也熱
勝於濕則傷胃之血分而為赤痢

濕勝熱

白痢墜

濕陰邪也濕勝於熱則傷胃之氣分而
為白痢○赤白相半則為氣血兩傷

調行箴

須切記

行。血。則。膿。血。自。愈。調。氣。則。後。重。自。除。
此四句為治初痢之格言。須切記之。

芍藥湯

熱盛餌

芍藥湯調氣行血。雖為初痢之總方。究竟宜於熱症。

平胃加

寒濕試

寒濕瀉痢初起者。以平胃散加乾薑澤瀉。豬苓木香治之。久而不愈。送下香連丸。

熱不休。

死不治。

方書云。痢症發熱不休者不治。

痢門方

皆所忌

凡痢症初起。即發熱。非肌表有邪。即經絡不和。溫散而調營衛外邪。一解痢亦鬆去。若概以為熱。開手即用痢門套方多。有陷入變劇者。

桂葛授

鼓邪出

時醫有發汗之戒。以其無外證而妄汗之也。若頭痛發熱惡寒有汗宜用桂枝湯法。無汗宜用葛根湯法。鼓邪外出。然後治其痢。

外疏通

內暢遂

此二句是解所以發汗之故也。張飛疇云。當歸四逆湯治痢極效。若發熱而嘔者。小柴胡湯。葛根黃連黃芩甘草湯。白濁下重者。白頭翁湯。如神。

嘉言書

獨得閱

心痛腹痺

俞嘉言醫門法律
中議論甚見透徹

寓意存

補金匱

喻嘉言寓意草中。如麻黃附子細辛湯及
人參敗毒散等案。却能補金匱所未及。

心腹痛胸痺第七

心胃疼

有九種

真心痛不治。今所云心痛者皆心胞
絡及胃脘痛也。共有九種宜細辨之。

辨虛實

明輕重

虛者喜按。得食則止。脉無力。實者拒按。得食愈痛。脉有力。二症各有輕重。

痛不通

氣血壅

痛則不通。氣血壅滯也。

通不痛

調和奉

通則不痛。氣血調和也。○高士宗云。通之之法。各有不同。調氣以和血。調血以和氣。通也。

上逆者使之下行。中結者使之旁達。亦通也。虛者助之。使通。寒者溫之。使通。無非通之之法也。若必以下洩為通。則妄矣。

一 虫咬痛

烏梅圓

蟲痛。時痛時止。唇舌上有白花點。得食愈痛。虫為厥陰風木之化。宜烏梅丸。

二 注痛

蘇合研

入山林古廟。及見非常之物。脉乍大乍小。兩手若出兩人。宜蘇合丸。研而灌之。

三氣痛

香蘇專

因大怒及七情之氣作痛宜香蘇飲加元胡
煮二錢七氣湯亦妙又方用百合一兩烏藥
三錢水煎服

四血痛

失笑先

瘀血作痛痛如刀割或有積塊脉
澹大便黑宜桃仁承氣湯失笑散

五悸痛

妙香詮

悸痛即虛痛也。痛有作止。喜按得食稱止。脈
虛弱宜妙香散。或理中湯加肉桂。木香主之。
六食痛

平胃煎

食積而痛。暖腐吞酸。其痛有一條扛起者。宜
平胃散加山查。穀芽主之。傷酒再加葛根。三
錢。砂仁。一錢。然新傷吐
之。久傷下之。為正法。

七飲痛

二陳咽

停飲作痛。時吐清水。或脇下有水聲。宜二陳
湯加白朮。澤瀉主之。甚者十棗湯之類亦可。

暫服

八冷痛

理中全

冷痛身涼脉細口中和宜理中湯加附子肉桂主之兼嘔者吳茱萸湯主之

九熱痛

金鈴痊

熱痛身熱脉數口中熱宜金鈴子元胡索各二兩研末黃酒送下二錢名金鈴子散甚效如熱甚者用黃連梔子之類人生薑汁治之

腹中痛

照諸篇

臍上屬太陰。中臍屬少陰。臍下屬厥陰。兩脇屬少陽。厥陰之交界地面宜分治之。然其大意與上相同。

金匱法

可回天

金匱要畧中諸議論皆死症求生之法。

諸方論

要拳拳

中庸云則拳拳服膺而弗失之矣。○腹滿痛而下利者虛也。吐瀉而痛太陰症也。宜理中湯。雷鳴切痛嘔吐者寒氣也。宜附子粳米湯。此以下利而知其虛也。腹滿痛而大便閉者實也。閉痛而不發熱者宜厚朴三物湯。柴攻其裏。閉痛而兼發熱者宜厚朴七物湯。兼通表裏。閉痛發熱痛連脇下脉緊弦者宜大黃附子湯。溫下並行。此以實閉而知其實也。若繞臍疼痛各寒疝烏頭煎之峻不敢遽用。而當歸生薑羊肉湯之妙更不可不講也。

又胸痺

非偶然

胸膈之上。人身之太空也。
宗氣積於此。非偶然也。

薤白酒

妙轉旋

括薤薤白酒湯。或加半夏。或加枳實。薤白桂枝湯之類。皆轉旋妙用。

建中填

虛寒者

心胸大寒痛嘔。不能飲食。寒氣上衝。有頭足不可觸近。宜大建中湯主之。上中二焦為寒邪所痺。故以參薑啟上焦之陽。合飴糖以建立中氣。而又加椒性之下行。降逆上之氣。復

下焦之陽為
補藥主方。

隔食反胃第八

隔食病

方書名膈者以病在膈上是也。又名隔者以
食物不下而阻隔也。津液乾枯為隔食病源。

津液乾

胃脘閉

穀食難

胃脘乾枯閉小水
飲可行食物難下

隔食反胃

時賢法

左歸餐

趙養葵用大劑六味湯主之。高鼓峯仿趙養葵之法。以六味加生地。當歸主之。楊乘六用左歸飲去茯苓。加當歸生地。以左歸飲中有甘草。引入陽明。開展胃陰。去茯苓者。恐其芳流入坎。不如崇頤。陽明之速效也。

胃陰展

賁門寬

如膏如脂。疊積胃底。即胃陰也。久隔之人。則胃陰亡矣。高鼓峯云。治陽一。陽明盡之。陽明

者胃也。但使胃陰充拓。在上之賁門寬展。則食物入。在下之幽門闌門滋潤。則二便不閉。而膈症愈矣。

啓膈飲

理一般

設膈飲亦是和胃養陰之意。但此方泄肺氣之鬱。彼方救腎水之枯。一陰一陽宜擇用之。

推至理

衝脉干

張石頑云。膈咽之間。交通之氣。不得降者。皆衝脉上行逆氣所作也。

大半夏

加蜜安

衝脉不治取之。陽明仲景以半夏降衝脉之逆。即以白蜜潤陽明之燥。加人參以生既亡之津液。用甘瀾水以降逆上之水。液古聖之經方。唯仲景知用之。

金匱秘

仔細看

金匱明明用半夏。後世諸書皆以半夏為戒。毀聖之說。倡自何人。君子惡之。

若反胃

實可嘆

水

食得入而良久
反出。名為反胃。

朝暮吐

朝食暮吐。暮食朝吐。與
隔食症。宜分別而藥之。

乏火化

玉太僕云。食不得入。是有火也。食入反出。
是無火也。此症屬中焦。下焦火衰無疑。

分別看

屬虛寒

吳萸飲

獨附丸

妙在具。萸鎮厥陰。逆氣配入甘溫。令震坤合。德土木不害。○生附子以百沸湯洗溫。浸去鹽。日換湯三次。三日外。去皮。放地上。四面以磚圍外。以炭火燒一時。則附子盡裂。乘熱投於薑汁。又如法製之。大抵一斤附子。配一斤薑汁。以薑汁乾為度。研末。蜜丸。以粟米稀粥送下。二錢。

六君子類

俱神丹

六君子湯。加薑附及附子理中湯之類。

氣喘第九

喘促症

治分門

氣急而上奔宜
分別而治之

鹵莽輩

只貞元

貞元飲是治血虛而氣無所附以此飲濟之
緩之方中熟地當歸之潤所以濟之甘草之
甘所以緩之常服調養之劑非急救之劑也
今醫遇元氣欲脫上奔之症每用此飲以速

其危良

可浩嘆。

陰霾盛

龍雷奔

喘症多屬飲病。飲為陰邪。非離照當空。群陰
焉能退避。若以地黃之類。附和其陰。則陰靈
冲逆肆空。飲邪滔天。莫救而
龍雷之火。愈因以奔騰矣。

寔喘者

痰飲援

喘症之實者。風寒不解。有痰飲。而
為之。援則咳嗽甚。而喘症作矣。

葶藶飲

肺氣實而氣路閉塞為喘者以葶藶大棗湯
肺湯主之咳嗽氣喘心下悸飲而脇滿痛者
以十棗湯主之

青龍輩

此方解表兼能利水治
內外合邪以兩撤之

虛喘者

十棗湯

撤其藩

補而溫

虛喘氣促不能接續脉虛細無力温補二字宜串看有以温為補者有以補為温者切不可走於貞元一路留滯痰涎也

桂苓類

腎氣論

仲景云氣短有微飲者宜從小便去之桂苓朮甘湯主之腎氣丸亦主之

平衝逆

泄奔豚

衝氣上逆宜小半夏加茯苓湯以降之奔豚症初起臍下動氣久則上逆衝心宜茯苓桂

枝甘草大棗

湯以安之。

真武劑

經云其標在肺其本在腎
真武湯為治喘之源也

金水母

主諸坤

肺屬金而主上。腎屬水而主下。虛喘為天水
不交之危候。治病當求其本。須知天水一氣
而位乎天水之中者。坤土也。况乎土為金
母。金為水母。危篤之症。必以脾胃為主。

治其源

六君子

妙難言

六君子湯加五味乾薑北細辛為治喘神劑
面腫加杏仁面熱如醉加大黃此法時師聞
之莫不驚駭能讀金匱
者始知予言之不謬也

他標劑

忘本根

唯黑錫丹鎮納元氣為喘症必用之劑此外
如蘇子降氣湯定喘湯及沉香黑鉛之類皆
是害人
之物

血症第十

血之道

經曰。中焦受氣取注。變化而赤。是謂血。

本衝任

血之流溢。半隨衝任而行於經絡。

溫肌腠

化中焦

中溉澆

外逍遙

血之流溢半散於脉
外而充肌膚皮毛

六淫逼

經道搖

六淫者風寒暑濕燥火也。經常也。道路也。
言血所常行之路也。外邪傷之則搖動。

宜表散

麻芍條

外傷宜表散。東垣治一人內蘊虛熱外感大
寒而吐血。法仲景麻黃湯加補劑名麻黃人

參芍藥湯

一服而愈

血症

七情病

溢如潮

七情者喜怒哀懼愛惡欲也。七情之動出於五志。醫書恒謂五臟各有火。五志激之則火動。火動則血隨火而溢。然五志受傷既久則火為虛火。宜以甘溫之法治之。

引導法

草薑調

甘草乾薑湯如神。或加五味子二錢。火盛者再加乾桑皮三錢。小麥一兩。時醫因歸脾湯有引血歸脾之說。謂引血歸脾即是歸經。試問脾有多大。能容離經之血。成斗成盆。盡返

而歸於內而不裂破乎。市醫固無論矣。而以名醫自負者，亦蹈此弊，實可痛恨。

溫攝法

理中起

理中湯加木香當歸煎服。凡吐血服涼藥及滋潤益甚，外有寒冷之象者，是陽虛陰走也。必用此方，血得煖則循行。經絡矣。此法出仁齋直指。

涼瀉法

令瘀銷

火勢盛，脈洪有加，寒涼之劑原不可廢，但今於血症每用藕節、黑梔、白芨、舊墨之類以

止瀉之。致留瘀。不散。以為咳嗽。虛癆之。基金
匱瀉心湯。大黃倍於芩連。為寒。以行。瘀法。栝
葉湯。治吐不止。為溫。以行。瘀。
法。二方。為一溫。一寒。之對子。

赤豆散

下血標

糞前下血。為近血。金
匱用當歸赤小豆散。

若黃土

寔翹翹

糞後下血。為遠血。
金匱用黃土湯。

一切血

此方餅

黃土湯不獨糞後下血方也。凡吐血、衄血、大便血、小便血、婦人血崩及血痢久不止，可以統治之。以此方煖中宮土臟，又以寒熱之品互佐之，步步合法也。

五臟有血，六腑無血。觀剖諸獸，腹心下夾脊，色絡中多血，肝內多血，心脾肺腎中各有血，六腑無血。近時以吐血多者，謂為吐胃血，皆耳。食昔醫之誤，凡吐五臟血必死。若吐血、衄血、下血，皆是經絡散行之血也。

水腫第十一

水腫病

有陰陽

腫皮膚腫大初起目下有形如卧蠶後漸及於一身按之即起為水腫按之宵而不起為氣腫景岳以即起為氣不起為水究之氣行水即行水滯氣亦滯可以分可以不必分也

只以陰水陽水為分別

便清利

陰水殃

腫水

小便自利口不渴

屬寒名為陰水

便短縮

小便短縮口渴

屬熱為陽水

五皮飲

以皮治皮不傷中氣

方出華元化中藏經

陽水盛

陽水傷

元化方

加通防

五皮飲加木通防
已赤小豆之類。

陰水盛

五皮飲加乾薑
肉桂附子之類。

知實腫

知者真知其病情而無兩可之見。壯年。
腫病驟起。脉實者。加蘿蔔子枳實之類。

加桂薑

蘿蔔枳商

知虛腫

參朮良

老弱病久腫漸成脉虛者加入參白朮之類

兼喘促

真武湯

腫甚小便不利氣喘尺脉虛者宜真武湯煨土行水間用桂苓甘朮湯化太湯之氣守服十餘劑繼用導水茯苓湯二劑愈今人只重加味腎氣丸而不知其補助陰氣反益水邪不可輕服也

從俗好

別低昂

已上諸法皆從俗也。然從俗中而不踰先民之矩矱，亦可以救人。

五水辨

金匱詳

病有從外感而成者，名風水。病從外感而成，其邪已滲入於皮，不在表而在裏者，名皮水。病有不因於風，由三陰結而成水者，名正水。病有陰邪多而沉於下者，名石水。病有因風因水傷心鬱熱，名黃汗。金匱最詳，熟讀全書，自得其實。否則鹵莽誤事耳。○藥方中精義，頗詳宜細玩之。

補天手

十二方

越婢湯防已茯苓湯越婢加白朮湯甘草麻
黃湯麻黃附子湯杏子湯蒲灰散蒼芍桂酒
湯桂枝加黃耆湯桂甘薑棗麻辛附
子湯枳朮湯附方外臺防已黃耆湯

有斯道

勿炎涼

群言敬異表於聖以斯道為已
任勿與世為浮沉余有厚望焉



醫學三字經卷二

閩吳航陳念祖修園著

男

元豹道彪古愚
元犀道照靈石

全校

脹滿蠱脹第十二

水腫
參看

脹為病。

辨寔虛

脹者脹之於內也。虛脹誤
攻則壞寔脹誤補則增

氣驟滯

七氣疏

七氣湯能

疏通滯氣

滿拒按

七物法

腹滿拒按宜金匱厚朴七物湯即桂枝湯
小承氣湯合用以兩解表裏之實邪也

脹閉痛

三物鋤

腹滿而痛若大硬實者宜金匱厚朴三物湯
行氣中兼瀉寔法以鋤其病根○以上言寔

脹之

治法

若虛脹

仔細診視

勿輕下藥

中央健

俞嘉言云執中央以

通四旁千古格言

參竺典

且躊躇

四旁如

大地輿

東風起而不土不調

土木無忤則為復佛經以風輪主持
大地余于此悟到治脹之源頭

單腹脹

四肢不腫一
腹大如鼓

山風卦

周易卦象
山風蠱

易中旨

實難除

指南車

費居諸

不工

不調

和次

離不

之

易曰：蠱剛上而柔下，巽而止，蠱。注：卦變卦體，剛上柔下，上情高亢而不下接，下情退縮而不上交，兩情不相通也。卦德下巽上止，在下遠，巡畏縮，而無敢為之心，在上因循止息，而無必為之志。庶事日以隳也。此言致蠱之由。醫者參透此理，亦知蠱病之由。○易又曰：蠱元亨，而天下治也。利涉大川，往有事也。先甲三日，後甲三日，終則有始，天行也。注：當蠱壞之日，有人以治之，以至於元亨，而天下之治實始於此也。曰利涉大川者，言治蠱之人宜涉險阻以濟之，其止也當矯之以奮發其巽也。當矯之以剛，果是往有事也。治之之道必

先甲三日以更改後甲三日以圖終則撥亂
反治亂之終即治之始終則有始人事之挽
回即天運之循環天行也此言治蠱之事醫
者恭透此理亦可以治蠱病矣要知人身中
胃屬艮卦不欲其一。向。苟。止。肝屬巽卦不欲
其一。向。卑。巽。利。涉。大。川。元。亨。前。大。有。經。濟。自
新。丁。寧。涉。川。時。大。費。精。神。能。具
此。回。天。手。段。而。後。無。愧。為。上。醫。

暑症第十三

陽暑病

動靜商

之原

夏月傷暑分動
靜者說本東垣

動而得

熱為殃

得於長途赤日身熱如焚
面垢體倦口渴脉洪而弱

六一散

白虎湯

六一散治一切暑症白虎湯加人參者以大
汗不止暑傷元氣也加蒼朮者治身熱足冷
以暑必
挾濕也

暑症

動而得之 早 暍不 惡寒 而肌 大熱

靜而得

處於高厦涼室畏熱
貪涼受陰暑之氣

惡寒象

惡寒與傷寒同而
發熱較傷寒倍盛

心煩辨

雖同傷寒而心煩以別之
且傷寒脉盛傷暑脉虛

起貪涼

熱逾常

切莫忘

香薷飲

有專長

香薷發汗利水為暑症之專藥也。有謂夏月不可用香薷則香薷將用于何時也。

大順散

從症方

此治暑天畏熱貪涼成病。兆治暑也。此舍時從症之方。

生脉散

久服康

此夏月常服之劑。非治病方也。

動而得之 汗出得之 靜而得之 無汗

脾胃而
之
寒
傷
者

東垣法

暑傷元氣藥宜從補東垣清暑益氣湯頗超

雜說起

已上皆諸家之臆說而先聖之道反為之晦若行道人不不可不熟記之以資顧問

防氣傷

道鼎乾

若精蘊

祖仲師

仲景傷寒論金匱要畧瘥濕暍篇字字皆精義與蘊

風寒燥濕熱火即六淫

太陽病

旨在茲

仲師謂太陽中。喝。太陽二字。大。眼。目也。因人俱認為熱邪。故提出太陽二字。以喝。醒之。寒暑皆為外邪。中於陽而陽氣盛。則寒亦為熱。中於陽而陽氣虛。則暑亦為寒。若中於陰。無分寒暑。皆為陰症。如酷暑炎熱。並無寒邪。反多陰症。總之邪之中人。隨人身之。六氣陰陽虛實。而旋轉變化。非必傷寒為陰。中暑為陽也。

經脈辨

標本歧

師云太陽中暍發熱者病太陽而得標陽之氣也惡寒者病太陽而得本寒之氣也身重而疼痛者病太陽通體之經也脉弦細乳逢者病太陽通體之脉也小便已醜醜然毛僂手足逆冷者病太陽本寒之氣不得陽熱之化也小有勞身即熱口開前板齒燥者病太陽標本經脉皆病治當助其標本益其經脉若妄施汗下温鍼則誤矣

垂大戒

法可思外

師以汗下溫鍼為戒。雖未立方而
妙學深思者自可以悟其大法矣。

方兩出

無煩詞

白虎加人參湯
一物瓜蒂湯

法外法

大神奇

暑之中人。隨人之陰陽虛實為旋轉變化。如
陽臟多火。暑即寓於火之中。為汗出而煩渴。
師有白虎加人參之法。如陰臟多濕。暑即伏
於濕之內。為身熱疼重。脈微弱。師以夏月傷

冷水。水行皮身所致。指暑病以濕為病。治以一物。瓜蒂湯。令水去。而濕無所依。而亦解也。

泄瀉第十四

濕氣勝

五瀉成

書云濕成五泄

胃苓散

厥功宏

胃苓散。煖脾平胃利水。為泄瀉之要方。

濕而熱

連苓程

胃苓散加黃芩黃連
熱甚去桂枝加乾葛
濕而冷

黃附行

胃苓散加吳茱萸附
子之類腹痛加木香
濕挾積

麴查迎

食積加山查神
麴酒積加葛根

瀉

虛兼濕

參附苓

胃苓散加人

參附子之類

脾腎瀉

近天明

五鼓以後瀉者。腎虛也。瀉有定時者。土主。信脾虛也。故名脾腎瀉。難治。

四神服

勿紛更

四神丸加白朮。人參。乾薑。附子。茯苓。罌粟殼之類。為丸。久服方效。

恒法外

內經精

照此法治而不愈者宜求之內經

腸臟說

得其情

腸熱臟寒腸寒臟熱內經精義張石頑頗得其解

瀉心類

特丁寧

諸瀉心湯張石頑俱借來治瀉與內經之旨頗合詳載醫學從衆錄

相火
即胆
火也

眩暈第十五

眩暈症

內經云諸風掉眩皆屬於肝

肝風木

厥陰為風木之藏厥陰風木為少陽相火所居

風火動

皆屬肝

相火干

兩動搏

暈眩

風與火皆屬陽而主動
兩動相搏則為旋轉

頭旋轉

此二句寫眩暈之象也

虛痰火

各分觀

仲景主痰飲丹溪宗河間之說謂無痰不眩
無火不暈內經云上虛則眩又云腎虛則頭
重高搖髓海不足則腦
轉耳鳴諸說不同如此

暈
眼紛繁

究其指

總一舫

究其殊途。同歸之旨。木動則生風。風生而火發。故河間以風火立論也。風生必挾木勢而尅土。土病則聚液而成痰。故仲景以痰飲立論。丹溪以痰火立論也。究之腎為肝母。腎主藏精。精虛則腦空。腦空則旋轉而耳鳴。故內經以精虛及髓海不足立論也。言虛者言其病根。言寔者言其病象。其寔一以貫之也。

痰火丸

大黃安

寸脉滑按之益堅者為上實丹溪用大黃一味酒炒三遍為末茶調下一二錢

上虛甚

鹿茸餐

寸脉大按之即散者為上虛宜鹿茸酒鹿茸生於頭取其以類相從且入督脉而通於腦每用半兩酒煎去滓入麝香少許服或用補中益氣湯及芪朮膏之類○此症如鈎藤天麻菊花之類俱可為使。

欲下取

求其端

嘔有聲無物吐聲無嘔有

端頭也。謂尋到源頭也。欲榮其上。必灌其根。古人有上病下取法。

左歸飲

正元丹

左歸飲加肉苁蓉川芎細辛甚效。正元丹亦妙。

嘔噦吐第十六

呃逆

嘔吐噦

皆屬胃

嘔字從漚。漚者水也。口中出水而無食也。吐字從土。土者食也。口中吐食而無水也。嘔吐

嘔噦

者水與食並出也。噦者口中有穢味也。又謂之乾嘔。口中有穢味。未有不乾嘔也。呃逆者氣衝有聲。聲短而頻也。其病皆屬於胃。

二陳加

時醫貴

二陳湯倍生薑。安胃降逆藥也。寒加丁香。香砂仁。熱加黃連。鮮竹茹。石斛之類。

玉函經

難彷彿

寒熱攻補。一定不移。

小柴胡

少陽謂

寒熱往來而嘔
者屬少陽也。

吳茱萸

平酸味

吳茱萸湯治陽明食穀欲嘔者又治少陰症
吐利手足逆冷煩躁欲死者又治乾嘔吐涎
沫者○此症嘔
吐多有酸味。

食已吐

胃熱沸

食已即吐。其人胃素有熱。食復入。兩熱相衝。不得停留。

黃草湯

下其氣

大黃甘草湯治食已即吐。金匱云。欲吐者不可下之。又云。食已即吐者。大黃甘草湯下之。何也。曰。病在上而欲吐。宜因。而越之。若逆之。使下。則必憤亂益甚。若既吐矣。吐而不已。是有升無降。

當逆折之。

食不入

火堪畏

王太僕云。食不
得入。是有火也。

黃連湯

為經緯

喻嘉言用進退黃連湯。柯韻伯用乾薑黃連
黃芩人參湯。推之瀉心湯亦可借用。以此救
湯為經緯。

若呃逆

代赭彙

代赭旋覆湯。治噫氣。即治呃逆。若久病呃逆
為胃氣將絕。用人參一兩。乾薑附子各三錢。

癩狂癩

丁香柿蒂各一錢。
可救十中之一。

癩狂癩第十七

重陽狂

內經云。重陽者
狂。重陰者癩。

靜陰象

癩者笑哭無時。語言無序。其人常
靜。狂者詈罵不避親疎。其人常動。

重陰癩

動陽宣

狂多寔

痰宜蠲

蠲除頑痰。滾痰丸。加烏梅。硃砂。治之。生鐵落。飲當歸承氣湯。亦妙。

癩虛發

石補天

磁硃丸。是煉石補天手法。駱氏內經拾遺。用溫膽湯。

忽搐搦

癩病然

手足抽掣。猝倒無知。忽作。忽止。病有間斷。故名曰癩。

五畜狀

吐痰涎

肺如犬吠，肝如羊嘶，心如馬鳴，脾如牛吼，腎如猪叫。每陰必口角流涎。

有生病

歷歲年

由母腹中受疇積久失調一觸而發病起於有生之初非年來之新病也。內經拾遺用溫膽湯。柯韻伯用磁珠丸。

火氣亢

蘆薈平

火氣亢。必以大苦大寒之劑。以降之。宜當歸蘆薈丸。

痰積錮

丹礬穿

丹礬丸能穿入心胞絡道其痰涎從大便而出。然不如磁珠丸之安當。

三症本

厥陰慾

以上治法時醫習用而不效者。未。知其本在。於厥陰也。厥陰屬風木。與少陽相火同居。厥陰之氣逆。則諸氣皆逆。氣逆則火發。火發則風生。風生則挾木勢而害土。土病則聚液而

成痰成必歸遊
人心為已上諸症

體用變

其本陰

其體熱

伏所主

伏其所主

先其所因

收散互

標本遷

所因先

逆從連

或收或散或逆或從隨所利而行之

和中氣

妙轉旋

調其中氣使之和平。○自伏所主至此其小註俱內經本文轉旋言心手靈活也其要旨在於調其中氣二句中氣者土氣也治肝不應當取陽明制其傷也

悟到此

治立痊

症雖可治而任之不專亦無如之何也

五淋癃閉赤白濁遺精第十八

五淋病

皆熱結

淋者小便痛澁淋瀝欲去不去欲
止不止是也皆熱氣結於膀胱

膏石勞

氣與血

石淋下如沙石膏淋下如膏脂勞淋從勞力
而得氣淋氣滯不通臍下悶痛血淋瘀血停
蓄莖中

割痛

三字經

卷一

十七

五淋湯

是秘訣

石淋。以此湯煎送。髮灰滑石。石首魚頭內石。研末膏淋。合草薺分清飲氣淋。加荊芥香附。生麥芽不愈。再加升麻。或用吐法。勞淋。合補中益氣湯。血淋。加牛膝鬱金桃仁。入麝香少許。溫服。

敗精淋

加味

過服金石藥。與老人陽已痿。思色以降其精。以致內敗。而為淋。宜煎湯加草薺石菖蒲兔

然子以

導之

外冷淋

腎氣咽

五淋之外。又有冷淋。其症外候惡冷喜
飲熱湯。宜加味腎氣丸。以鹽湯咽下。

點滴無

名癃閉

小便點滴不通。與
五淋之短縮不同。

氣道調

江河決

前湯加化氣之藥。或吞滋腎丸。多效。孟子云。若決江河。沛然莫之能禦也。引來喻小便之

多也

上竅通

下竅泄

如滴水之器。閉其上。而倒懸之。點滴不能下也。去其上。閉。而水自通。宜服補中益氣湯。再服。以手探吐。

外竅開

水源鑿

又法啟其外竅。即以開其內竅。麻黃力猛。能通陽氣於至陰之地。下肺氣。主皮毛。配杏仁以降氣。下達州都。導水必自高原之義也。以前飲如此一味甚效。夏月不敢用麻黃。以蘇葉防風杏仁等分。水煎服。溫覆微汗。水即利矣。虛人以人參麻黃各一兩。水煎服。神效。

分利多

醫便錯

愈利愈

閉矣

濁又殊

竅道別

淋出濁竅
濁出精竅

前飲投

水愈利。而
腎愈虛矣。

腎套談

治濁只用腎家套藥不效。蓋以脾主土。土病濕熱。下法則小水渾濁。濕勝於熱則為白濁。熱勝於濕則為赤濁。濕熱去則濁者清矣。

精愈涸

理脾悒

分清飲

佐黃蘗

革薜分清飲。加蒼朮白朮再
加黃蘗。苦以燥濕。寒以除熱。

心腎方

隨補綴

六八味湯丸。加龍牡。腎藥也。四君子湯
加遠志。心藥也。心腎之藥。與前飲
同服。

若遺精

另有說

與濁病

又殊

有夢遺

龍膽折

有夢而遺。相火旺也。余每以龍膽瀉肝湯送下。五倍子丸二錢。多效。張石頑云。肝熱則火淫於內。魂不內守。故多淫夢失精。又云。多是陰虛陽擾。其作必在黎明。陽氣發動之時。可以悟矣。妙香散甚佳。

無夢遺

十全設

無夢而遺。是氣虛。不能攝精。宜十全大補湯。加龍骨牡蠣蓮鬚五味子黃蘗為丸。常服。

坎離交

亦不切

時醫遇此症。使云心腎不交。用茯神遠志蓮子棗仁之類。未中病情。皆不切之套方也。

疝氣第十九

疝任病

歸厥陰

經云。任脉為病。外結七疝。女子帶下。寢聚丹溪專治厥陰者。以肝主筋。又主痛也。

寒筋水

氣血尋

寒疝。水疝。筋疝。氣疝。血疝。

狐出入

狐疝。臥則入腹。立則出腹。癩疝。大如升斗。頑麻不痛。

耑治氣

景岳云。疝而曰氣者。病在氣也。寒有寒氣。熱有熱氣。濕有濕氣。逆有逆氣。俱當兼用氣藥也。

景岳箴

癩頑麻

五苓散

加減斟

別錄以此方加川練子木
通橘核木香通治諸疝

茴香料

著醫林

三層茴香丸治久疝雖三十
年之久大如楊棧皆可消散

痛不已

須洗淋

陰腫核中痛千金翼用雄黃一兩礬石二
兩甘草一尺水一斗煮二升洗之如神

痰飲第二十

痰飲源

水氣作

水氣上逆得陽煎熬則稠而成痰得陰凝聚則稀而成飲然水歸于腎而受制于脾治者必以脾腎為主

燥濕分

治痰畧

方書支離不可聽凡以燥濕為辨燥痰宜潤肺濕痰宜溫脾握要之法也宜參之虛癆咳

痰飲

嗽等篇或老痰宜王節齋化痰丸寔痰怪症宜滾痰丸之類

四飲名

宜斟酌

金匱云其人素盛今瘦水走腸間漑漑有聲謂之痰飲注即今之久咳痰喘是也飲後水流在脇下欬唾引痛謂之懸飲注即今之停飲脇痛症也飲水流行歸於四肢當汗出而不汗出身體疼重謂之溢飲注即今之風水腫症也欬逆倚息氣短不得臥其形如腫謂之支飲注即今之停飲喘滿不得臥症也又支飲偏而不中正也

參五臟

細量度

四飲猶未盡飲邪之為病也。凡五臟有偏虛之處而飲留之。言臟不及腑者。腑屬陽。在腑則行矣。金匱曰。水在心。心下堅。築短氣。惡水不欲飲。水在肺。吐涎沫。欲飲水。水在脾。少氣身重。水在肝。脇下支滿。噯而痛。水在腎。心下悸。

補和攻

視強弱

宜補宜攻宜和。視乎病情。亦視乎人之本體強弱而施治也。

十六方

各鑿鑿

苓桂朮甘湯。腎氣丸。甘遂半夏湯。十棗湯。大
青龍湯。小青龍湯。木防已湯。木防已加茯苓
芒硝湯。澤瀉湯。厚朴大黃湯。葶藶大棗瀉肺
湯。小半夏湯。已椒苈薤丸。小半夏加茯苓湯。
五苓散。附外
臺茯苓飲。

溫藥和

博返約

金匱云。病痰者當以溫藥和之。忽揭出溫藥
和之四字。即金針之度也。蓋痰水病也。水歸。

於腎而受制於脾。欲水由地中行而歸其壑者。非用溫藥以化氣不可也。欲水不泛溢而築以隄防者。非用溫藥以補脾不可也。如苓桂朮甘湯。腎氣丸。小半夏湯。五苓散之類。皆溫藥也。即如十棗湯之十枚大棗。甘遂半夏湯之半升白蜜。木防己湯之參桂。葶藶湯之大棗。亦寓溫和之意。至於攻下之法。不過一時之權宜。而始終不可離溫和之旨也。

陰霾除

陽光灼

飲為陰邪。必使離照當空。而羣陰方能退。散。余每用參朮木附。加生薑汁之類。取效。

滋潤流

時醫錯

方中若雜以地黃麥冬五味附和其陰則陰
霾冲逆肆空飲邪溜天莫救矣即腎氣丸亦
宜慎
用

真武湯

水歸壑

方中以茯苓之淡以導之白朮之燥以制之
生薑之辛以行之白芍之苦以泄之得附子
本經之藥領
之以歸其壑

白散方

窺秘鑰

三因白散之妙喻嘉言解之甚詳見於醫門法律中風門

消渴第二十一

消渴症

津液乾

口渴不止為上消治以人參白虎湯食入即飢為中消治以調胃承氣湯飲一溲一小便如膏為下消治以腎氣丸其實皆津液乾之病也趙養葵變其法

七味飲

一服安

趙養葵云。治消症無分上中下。但見大渴大燥。須六味丸料一斤。肉桂一兩。五味子一兩。水煎六七碗。恣意冷飲之。睡熟而渴如失矣。白虎承氣皆非所治也。

金匱法

別三般

能食而渴者。重在二陽論治。以手太陽主津液。足太陽主血也。飲一溲一者。重在少陰論治。以腎氣虛不能收攝則水直下。趨腎氣虛不能蒸動則水不上。濟也。不能食而氣衝者。

重在厥陰論治。以一身中唯肝火最橫熾。灼無忌耗傷津液。而為消渴也。金匱論消渴。開口即揭此旨。以補內經之未及。不必疑其錯簡也。

二陽病

治多端

勞傷榮衛。漸鬱而為熱者。炙甘草湯可用。喻嘉言清燥湯。即此湯變甘溫為甘寒之用也。熱氣蒸胸者。人參白虎湯可用。金匱麥門冬湯。即此湯變甘寒而為甘平之用也。消穀大堅者。麻仁丸加當歸甘草人參可用。妙在滋液之中。攻其堅也。蓋堅則不能消水。如以小

投石水去而石自若也。消症屬火內鬱之火。本足以消水。所飲之水本足以濟渴。只緣胃中堅燥全不受水之浸潤。轉從火熱之勢急走膀胱。故小便數愈數而愈堅。愈堅而愈消矣。此論本喻。

嘉言最精。

少陰病

腎氣寒

飲水多小便少名上消。食穀多而大便堅名食消。亦名中消。上中二消屬熱。唯下消症。飲一溲一中。無火化可知。腎氣之寒也。故用腎氣丸。

厥陰病

烏梅丸

方中甘辛苦酸並用。甘以緩之。所以遂肝之志也。辛以散之。所以悅肝之神也。苦以降之。則逆上之火順而下。行矣。酸以收之。以還其曲直作酸之本性。則率性而行。所無事矣。故此丸為厥陰症之總劑。○治此症。除此丸外。皆不用苦藥。恐苦從火化也。

變通妙

燥熱餐

有脾不能為自行其津液。肺不能通調水道。而為消渴者。人但知以清潤治之。而不知脾。

傷寒瘟疫

喜燥而肺惡寒。試觀泄瀉者必渴。比田水精不能上輸而惟下泄。故爾以燥脾之藥治之。水液上升。即不渴矣。余每用理中丸湯。倍白朮。加枯摠根。神效。

傷寒瘟疫第二十二

傷寒病

極變遷

太陽主一身之表。司寒水之經。凡病自外來者。皆謂傷寒。非寒熱之寒也。變遷者。或三陽或三陰。或寒化。或熱化。及轉屬。合併之異。

六經法

有真傳

太陽寒水。其經主表。編中。備發汗。諸法。陽明燥金。其經主裏。編中。備攻裏。諸法。少陽相火。其經居表裏之界。所謂陽樞也。編中。備和解。諸法。太陰濕土。純陰。而主寒。編中。備溫補。諸法。少陰君火。標本寒熱不同。所謂陰樞也。編中。寒熱二法。並立。厥陰風木。木中有火。而主熱。編中。備清火。諸法。雖太陽亦有裏症。陽明亦有表症。太陰亦有熱症。厥陰亦有寒症。而提綱却不在此也。

頭項痛

太陽編

三陽俱主表。而太陽為表中之表也。論以頭痛項強發熱惡寒為提綱。有汗宜桂枝湯。無汗宜麻黃湯。

胃家實

陽明編

陽明為表中之裏。主裏實症。宜三承氣湯。論以胃家實為提綱。又鼻乾目痛不眠為經病。若惡寒頭痛為未離太陽。審其有汗無汗。用桂枝麻黃法。若無頭痛惡寒。但見壯熱自汗。只

渴為已。離。太。陽。宜。白。虎。湯。仲。景。提。綱。不。以。此。者。
凡。解。表。諸。法。求。之。太。陽。攻。裏。諸。法。求。之。陽。明。
立。法。之。

嚴也。

眩苦嘔

少陽編

少陽居太陽陽明之界。謂之陽樞。寒熱相雜。
若寒熱往來於外。為胸脇滿煩。宜大小柴胡
湯。若寒熱互搏於中。嘔吐腹痛。宜黃連湯。痞
滿嘔逆。宜半夏瀉心湯。拒格食不入。宜乾薑
黃連人參湯。若邪全入於膽府。下攻於脾。為
自利。宜黃芩湯。上逆於胃。利又兼嘔。宜黃芩

加半夏生薑湯論以口
苦咽乾目眩為提綱

吐利痛

太陰編

太陰濕土。為純陰之臟。從寒化者多。從熱化者少。此經主寒症。而言宜理中湯。四逆湯為主。第原本為王叔和所亂耳。論以腹中痛吐食自利不渴手足自溫腹時痛為提綱。但欲寐

少陰編

少陰居太陰厥陰之界。謂之陰樞。有寒有熱。論以脈微細但欲寐為提綱。寒用麻黃附子

細辛湯麻黃附子甘草湯及白通湯通脈四逆湯熱用猪苓湯黃連雞子黃湯及大承氣湯諸法

吐虵渴

厥陰編

厥陰陰之盡也。陰盡陽生。且屬風木。木中有火。主熱症。而論以消渴。氣上撞心。心中疼熱。飢不欲食。食則吐虵。下之利不止。為提綱。烏梅丸主之。自利下重。飲水者。白頭翁湯主之。○凡一切宜發表法備之。太陽一切宜攻裏法備之。陽明一切宜和解法備之。少陽一

切宜溫補法備之。太陰一切宜寒涼法備之。
厥陰一切寒熱兼用法備之。以陰此仲景傷
寒論之六經與內經熱
病論之六經不同也。

長沙論

嘆高堅

仰之彌高
鑽之彌堅

存津液

是真詮

存津液是全書宗旨善讀書者讀於無字處
如桂枝湯甘溫以解肌養液也。即麻黃湯直入

皮毛不加薑之辛熱。棗之甘壅。從外治外。不傷營氣。亦養液也。承氣湯急下之。不使邪火灼陰。養液也。即麻黃附子細辛湯。用附子以固少陰之根。令津液內守。不隨汗洩。亦養液也。麻黃附子甘草湯。以甘草易細辛。緩麻黃於中焦。取水穀之津而為汗。毫不傷陰。更養液也。推之理中湯。五苓散。必啜粥飲。小柴胡湯。吳茱萸湯。皆用人參。何。一。而。非。養液之法乎。

汗吐下

溫清懸

在表宜汗。在胸膈宜吐。在裏宜下。寒者溫之。熱者清之。

補貴當

方而圓

虛則補之。合上為六法。曰方而圓者。言一部傷寒論。全是活法。

規矩廢

甚於今

自王叔和而後。注家多誤。然亦是非參半。今則不知傷寒論為何物。規矩盡廢矣。

二陳尚

九味尋

人皆曰。二陳湯為發汗平穩之劑。而不知茯苓之滲。半夏之澁。皆能留邪。生熱。變成詭語。

不便等症人皆曰九味羌活湯視麻桂二湯較妥而不知太陽病重須防侵入少陰此方中有芍地之苦寒服之不汗恐苦寒陷入少陰變成脈沉細但欲寐之症服之得汗恐苦寒戕伐腎陽陽虛不能內固變成遂漏不止之症時醫喜用此方其亦知此方之流弊害人匪淺也

香蘇外

平胃臨

香蘇飲力量太薄不能驅邪盡出恐餘邪之傳變多端平胃散為燥濕消導之劑仲景從無

燥藥發汗之法且外邪未去更無先攻其內法

汗源涸

耗真陰

陰者陽之家也。桂枝湯之芍藥及啜粥俱是滋陰以救汗源。麻黃湯之用甘草與不啜粥亦是保陰以救汗源。景岳誤認其旨，每用歸地貽害不少。

邪傳變

病日深

治之得法無不即愈。若逆症壞症過經不愈之症皆誤治所致也。

目擊者

實痛心

人之死於病者少。死於藥者多。今行道人先學利口。以此藥殺人。即以此藥得名。是可慨也。吾知其殃在子孫。

醫醫法

腦後鍼

蕭前輩云。醫人先當醫醫。以一醫而治千萬人。不過千萬人計耳。救一醫便救千萬人。救千萬醫便救天下後世無量恒河沙數人。耳。余所以於醫者。腦後痛下一鍼。

若瘟疫

治相侷

四時不正之氣及方土異氣病人穢氣感而成病則為瘟疫雖有從經絡入從口鼻入之分而見證亦以六經為據與傷寒同

通聖散

兩解求

仲師於太陽條獨挈出發熱不惡寒而渴為溫病是遵內經人傷於寒則為熱病冬傷於寒春必病溫先夏至日為病溫後夏至見為病暑之三說也初時用麻杏甘石湯在經用

白虎加人參湯入裏用承氣湯及太陰之茵
陳蒿湯少陰之黃連阿膠湯猪苓湯厥陰之
白頭翁湯等皆其要藥。究與瘟疫之病不同
也。瘟疫之病皆新感。垂戾之氣而發。初起若
兼惡寒者。邪從經絡入。用人參敗毒散為匡
正。托邪法。初起若兼胸滿口吐黃涎者。邪從
口鼻入。用藿香正氣散為辛香解法。唯防
風通聖散。面面周到。即初起未必內實。而方
中之消黃。別有妙用。從無陷邪之害。若讀仲
師書。死於句下者。聞之無不咋舌。而不知其
有利無弊也。

六法備

汗為尤

汗。吐。下。溫。清。補。為。治。傷。寒。之。六。法。六。法。中。唯。取。汗。為。要。以。瘟。疫。得。汗。則。生。不。得。汗。則。死。汗。期。以。七。日。為。準。如。七。日。無。汗。再。俟。七。日。以。汗。之。又。叅。論。中。聖。法。以。吐。之。下。之。溫。之。清。之。補。之。皆。所。以。求。其。汗。也。
詳於時方妙用中。

達原飲

昧其由

吳又可謂病在膜原。以達原飲為首。方創異說以欺人。實昧其病由也。

司命者

勿逐流

醫者為人之司命。熟讀仲聖書而兼臨症之多者。自有定識。切不可隨波逐流。

婦人經產雜病第二十三

婦人病

四物良

與男子同。唯經前產後異耳。濟陰綱目。以四物湯加香附。炙草為主。凡經前產後俱以此出入加減。

婦人經產雜病

月信準

經水一月一至。不愆其期。故名月信。經調則體自康。

漸早至

血海有熱也。宜加味四物湯。加續斷地榆黃芩黃連之類。

漸遲至

血海有寒也。宜加味四物湯。加乾薑肉桂之類。甚加附子。

體自康

藥宜涼

重桂薑

錯雜至。

氣血傷

經來或早或遲不一者氣血虛而經亂也。宜前湯加人參白朮黃芪之類。

歸脾法

主二陽

內經云二陽之病發心脾。有不得隱曲。為女子不月。宜歸脾湯。

兼鬱結。

逍遙長。

鬱氣傷肝。思慮傷脾。宜加味道遙散。

種玉者

即此詳

種子必調經以歸脾湯治其源以逍遙散治其流並已上諸法皆妙不必他求唯婦人體肥厚者恐子宮脂滿另用二陳湯加川芎香附為丸

經閉塞

禁地黃

閉塞脈實小腹脹痛與二陽病為女子不月者不同雖四物湯為婦科所不禁而經閉及積瘀實症宜去地黃之濡滯恐其護黃血不行也加醋炒大黃二錢桂一錢桃仁二錢服

孕三月

六君嘗

得孕三月之內多有嘔吐不食名惡阻宜六君子湯俗疑半夏碍胎而不知仲師慣用之妙品也高鼓峯云半夏合參朮為安胎止嘔進食之上藥

安胎法

寒熱商

四物湯去川芎為主熱加黃芩白朮續斷寒加艾葉阿膠杜仲白朮大抵胎氣不安虛寒

者多庸醫以胎火二字惑人誤人無算

難產者

橫生倒產漿水太早交骨不開等症宜保生無憂散

開交骨

交骨不開陰虛故也宜加味芎歸湯

血大下

保生方

歸芎鄉

補血湯

胎猶舟也。血猶水也。水滿則舟浮。血下太早則乾涸而胎阻矣。宜當歸補血湯加附子三錢。欲氣旺則血可速生。且欲氣旺而推送有力。加附子者取其性急如酒。所以速茂歸之用也。保生無憂散治漿水未行。此方治漿水過多。加味歸芎湯治交骨不開。三方。禹。蟬。不。知。可。不。

脚小指

艾火煬

張文仲治婦人橫產。手先出。諸般符藥不效。以艾火如小麥大。灸產婦右脚小指頭尖。下。

火立

產

胎衣阻

失笑匡

胎衣不下宜以醋湯
送失笑散三錢即下

產後病

生化將

時醫相傳云。生化湯加減。治產後百病。若非
由於停瘀。而誤用之。則外邪反入於血室中。
氣反因以受傷。危症
蜂起矣。慎之慎之。

合諸說

已上相治之套法。輕病可愈。治重病則不效。

資顧問

商治時不與衆醫談。到此法反為其所笑。

精而密

金匱要畧第二十卷。第二十一卷。第二十二卷。義精而法密。

俱平常

亦勿忘

長沙室

妊娠篇

丸散七

妊娠篇凡十方。丸散居七。湯居三。蓋以湯者蕩也。妊娠以安胎為主。攻補俱不宜。驟故緩以圖之。卽此是法。

桂枝湯

列第一

此湯表症得之。為解肌和營衛。內症得之。為化氣調陰陽。今人只知為傷寒首方。此於妊娠篇列為第一方。以喝醒于百庸醫之夢。亦卽是法。師云。婦人得平脉。陰脉小弱。其人渴。

不能食無寒熱名妊娠桂枝湯主之。注陰搏陽別為有子。今反云陰脈弱小是孕。只兩月。下焦之氣不能作盛勢也。過此則不然。○
妊娠初得上下本無病。因子室有凝氣溢上。下故但以芍藥一味固其陰。氣使不得上溢。以桂薑甘棗扶上焦之陽。而和其胃氣。但令上焦之陽氣充。能禦相侵之陰氣。足矣。未嘗治病。正所以治病也。

附半夏

功超軼

時醫以半夏附子墜胎。不用乾薑亦疑其熱。而罕用之。而不知附子補命門之火。以舉胎。

半夏和胃氣以安胎乾薑煖
土臟使胎易長俗子不知

內十方

皆法律

桂枝湯治妊娠附子湯治腹痛小腹如扇
芩桂枝丸治三月餘漏下動在臍上為癥瘕
常歸芍藥散治懷妊腹中疝痛乾薑人參半
夏丸治妊娠嘔吐不止當歸貝母苦參丸治
妊娠小便難當歸散妊娠常服白朮散妊娠
養胎方方起妙用之如神惟妊娠有水氣身
重小便不利惡寒起即頭眩
用葵子茯苓散不能無疑

產後篇

有神術

共九

方

小柴胡

首特筆

妊娠以桂枝湯為第一方。產後以小柴胡為第一方。即此是法。○新產婦人有三病。一者病瘕。二者病鬱。冒三者大便難。○產婦鬱冒。脈微弱。嘔不能食。大便反堅。但頭汗出。小柴胡湯主之。

竹葉湯

風癱疾

金匱云。產後中風。發熱面正赤。喘而頭痛。竹葉湯主之。錢院使注云。中風之下。當有病癱者三字。○按庸醫於此症。以生化湯加薑桂荆芥益母草之類。殺人無算。

陽旦湯

功與匹

即桂枝湯增桂。加附子。活人以桂枝湯加黃芩者誤也。風乘火勢。火借風威。灼筋而成瘳。宜竹葉湯。若數日之久。惡寒症尚在。則為寒風。宜此湯。二湯為一寒一熱之對子。○師云。

產後風續續數十日不解頭微痛惡寒時時
有熱心下悶乾嘔汗出雖久陽旦證續在耳
可與湯
旦湯

腹痛條

此下八句皆言腹痛不同用方各異

羊肉湯

疝痛者痛之緩也為虛症

須詳悉

休意
疝痛謚

痛滿煩。

求枳實。

滿煩不得臥裏實也。宜枳實芍藥散。二味無竒妙。在以麥粥下之。

着臍痛。

下瘀吉。

腹中有瘀血着於臍下而痛。宜下瘀血湯。

痛而煩。

裏熱空。

小腹痛。雖為停瘀。而不大便。日晡煩躁。譫語。非停瘀專症也。血因熱裏而不行。非血自結。

於下。但攻其痰而可愈也。
全遺以大承氣湯攻熱。

攻涼施

毋固必

攻有大承氣湯。涼有竹皮大丸。白頭翁加甘
草阿膠湯。金匱云。病解能食。七八日更發熱
者。此為胃實。大承氣湯主之。又云。婦人乳中
虛煩亂。嘔逆。安中益氣竹皮大丸主之。又云。
產後下利。虛極。白頭翁加甘草阿膠湯主之。
讀此。則知丹溪產後以大補氣血為主。餘以
未治之之說。
為大謬也。

雜病門

還熟讀

金匱婦人雜病以因虛積冷結氣六字為綱
至未段謂千變萬端總出於陰陽虛實而獨
以弦緊為言者以經阻之始大概屬寒氣結
則為弦寒甚則為緊以此為主而參之兼脈
也可也

二十方

效俱速

隨證詳

難悉錄

唯溫經

帶下服

十二癥九痛七害五傷三痢共三十六種因
經致病統名曰帶下言病在帶脈非近時赤
白帶下之說也溫經陽治婦人年五十前陰下
血暮發熱手掌煩熱腹痛口乾云云其功實
不止也此也

甘麥湯

臟燥服

金匱云婦人臟燥悲傷欲哭象如神
靈所作效欠伸甘麥大棗湯主之

藥到咽

效可也

閩中諸醫因余用此數方奇效每繕錄於讀本之後亦醫風之將轉也余日望之

道中人

須造福

小兒第二十四

小兒病

多傷寒

喻嘉言曰方書謂小兒八歲以前無傷寒此胡言也小兒不耐傷寒初傳太陽一經早已

小兒

身強多汗筋脉牽動人事昏沉勢已極於本
經誤藥即死無由見其傳經所以謂其無傷
寒也俗云
驚風皆是

稚陽體

邪易干

時醫以釋陽為純陽
生死關頭開手便錯

凡發熱

太陽觀

太陽主身之表小兒腠理未密最易受邪其
症頭痛項強發熱惡寒等小兒不能自明唯

發熱一

柵可見

熱未已

變多端

喻嘉言云。以其頭搖手動也。而立抽掣之名。以其卒口噤脚攣急也。而立目斜心亂搖柵之名。以其脊強背反也。而立角弓反張之名。造出種種不通名目。謂為驚風。而用攻痰鎮驚清熱之藥。投之立死矣。不知太陽之脉起於目內眦。上額交巔入腦。還出別下項夾脊抵腰中。是以見上諸症。當時若以桂枝湯照法服之。則無餘事矣。過此失治。則變為痙症。

無汗用桂枝加葛根湯。有汗用桂枝加栝蒌根湯。此太陽而兼陽明之治也。抑或寒熱往來多嘔。以桂枝湯合小柴胡湯。或單用小柴胡湯。此太陽而兼少陽之治也。

太陽外

仔細看。

諭嘉言云。三日即愈為貴。若待經盡方解。必不能耐矣。然亦有耐得去而傳他經者。亦有即時見他經之症者。宜細認之。

遵法治

危而安。

遵六經提綱之法而
求之詳於傷寒論

若吐瀉

求太陰

太陰病以吐食自利不渴手足自
溫腹時痛為提綱以理中湯主之

吐瀉甚

變風淫

吐瀉不止則土虛而木邪乘之左傳云風
淫末疾末四肢之末也即抽掣掣急之象

慢脾說

即此尋

世謂慢脾風多死。而不知即太陰傷寒也。有
初時即傷於太陰者。有漸次傳入太陰者。有
誤用神麴麥芽山查蘿菔子枳殼葶藶大黃
瓜萎膽南星等藥。陷入太陰者。既入太陰。其
治同也。如吐瀉後冷汗不止。手足厥逆。理中
湯加入附子。或通脈四逆湯。白通湯佐之。此
太陰而兼少陰之治也。如吐瀉手足厥冷。煩
躁欲死。不吐食而吐涎沫。服理中湯不應。宜
吳茱萸湯佐之。此太陰而兼厥陰之治也。若
三陰熱化之証。如太陰腹時痛。時止。用桂枝
加芍藥湯。大便秘實而痛。用桂枝加大黃湯。少
陰之效。而嘔渴心煩不得眠。宜豬苓湯。心中

煩不得卧宜黃連阿膠湯厥陰之消渴氣衝吐蚘下利宜烏梅丸下利後重喜飲水用白頭翁湯等症亦間有之熱傷寒論者自知而提綱不在此也

陰陽證

二太擒

三陽獨取太陽三陰獨取太陰擒賊先擒王之手段也太陽陽明少陽為三陽太陰少陰厥陰為三陰

千古秘

理蘊深

俞嘉言通禪理後得異人所授獨得千古之
秘胡白臣曰習幼科者能虛心領會便可免
平殃咎若駭為異
說則造孽無極矣

即痘疹

此傳心

痘為先天之毒伏於命門因感外邪而發初
起時用桂枝湯等從太陽以化其氣氣化則
毒不留自無一切鬱熱諸症何用服連翹紫
草牛蒡生地犀角石膏芩連諸藥以致寒中
變症平及報點已齊後冀其漿滿易於結痂
而愈當求之太陰用理中湯等補中宮土氣

以。為。成。漿。脫。痂。之。本。亦。不。賴。保。元。湯。及。鹿。茸。
人。乳。糯。米。桂。圓。之。力。也。若。用。毒。藥。取。漿。先。損。
中。宮。土。氣。漿。何。由。成。誤。人。不。少。此。古。今。痘。書。
所。未。言。唯。張。隱。菴。侶。山。堂。類。辨。微。露。其。機。於。
言。外。殆。重。其。道。而。不。敢。輕。洩。歟。疹。症。視。痘。症。
稍。輕。亦。須。知。此。法。高。士。宗。醫。學。真。傳。有。桂。枝。
湯。加。金。銀。花。紫。草。法。

誰同志

度金鍼

附敷藥拔風害人說

金匱云人得風氣以生長。此一語最精。風即氣也。人在風中而不見風。猶魚在水中而不見水。鼻息出入頃刻離風即死。但風靜即為養人之和風。風動即為殺人之邪風。若大人之中風。小兒之驚風。卒倒搐掣。角弓反張。目上視。口流涎。皆風動之象。即氣之乖也。醫者宜化邪風為和風。即所以除邪氣而匡正氣。閩中市醫遇小兒諸病及驚癇危症。以草府

子巴豆南星萊菔子全蝎大黃急性子皂角
為末加樗皮冰片麝香以香油或白蜜或薑
葱汁調敷於顛門以及胸中臍中足心為拔
風法秘其方以射利十數十死既死而仍不
歸怨之者以為外敷之法不妨姑試俟未效
而即去之似不為害而不知一敷之後元氣
為其拔散即揭去其藥而既散之氣永不能
使之復聚矣况顛門為元陽之會胸中為宗

氣之宅。臍中為性命之根。足心為腎脉之本。皆不可輕動。昔人以附子、海狗腎補藥敷於臍中而蒸之。名醫猶且戒其勿用。况大傷人之物乎。凡以保赤為心者。宜共攻此法。而又惑於急驚、慢驚、食積之說。慣用羌活、獨活、防風、秦艽、前胡、赤芍、釣藤、鈎、荆芥、天麻、厚朴、神麴、山楂、蒼朮、膽星、葶藶子、蘿菔子、貝母、牛黃、磁砂、天竺、黃枳殼、杏仁、菖蒲、甘草。或合

為一方。或分為二三方者。亦五十步笑百步耳。